



NEWSLETTER BR. 30

APRIL 2017

SADRŽAJ

FIPA AKTIVNOSTI ≡

- » Presentacija FIPA-e na Regionalnom forumu za tržište, investicije i statistiku
- » FIPA prezentirala mogućnosti ulaganja u BiH za investitore iz Monaka
- » Novoimenovani ekonomski savjetnik ambasade Kine posjetio FIPA-u
- » FIPA prezentacija na poslovnim susretima privrednika Bosne i Hercegovine i Makedonije
- » FIPA na OECD konferenciji o temi „Podsticanje investicija za konkurentnost u jugoistočnoj Europi“
- » Novoimenovani trgovinski savjetnik ambasade Austrije u BiH posjetio FIPA-u
- » FIPA očekuje da ambasador BiH u Grčkoj animira i grčke investitora koji posluju u jugoistočnoj Europi
- » FIPA BiH na Mostarskom sajmu privrede 2017
- » FIPA ugostila dvadesetak privrednika iz Indije
- » FIPA učestvuje po prvi put na Annual Investment Meeting u Dubaiju

POSLOVNE VIJESTI ≡

- » Biznis forum FIPA-e i Svjetskog saveza dijaspore BiH
- » Prva menadžment konferencija hotelijera i ugostitelja u BiH - Hotel 21 održana u Sarajevu
- » Sajmovi u Turskoj u maju 2017 koji uključuju Buyer Mission Program



BH. VINA I OVE GODINE PREZENTIRANA NA SAJMU U JAPANU



Dvije vrste vina Manastira Tvrdoš, Vranac 2013 i Žilavka 2015, te jedna vrsta vina Vinograda Nuić, Trnjak 2013, prezentirani su na 91. Međunarodnom sajmu likera, vina i sira koji je održan od 12. do 18. aprila 2017. godine u Tokiju.

Više od 900 vrsta vina iz cijelog svijeta se svake godine predstavlja i prodaje na ovom sajmu, kao i u tržnim centrima DAIMARU, koji su u kategoriji centara Harrods u Londonu.

Predstavnik FIPA-e u Japanu Shigehiko Nishihama predstavljao je bh. vina na spomenutom sajmu, upoznavajući direktno japanske potrošače sa kvalitetom proizvoda.

Japanski potrošači su imali priliku probati i uživati u okusu bh. vina i izrazili su zadovoljstvo njegovom kvalitetom.

Zahvaljujući angažmanu g. Nishihame, 2014. godine, proizvođači vina iz BiH su po prvi put počeli sa izvozom vina na japansko tržište. Japanska firma M & P Corporation iz Tokija odlučila je da uveze devet vrsta vina iz BiH koji se uspješno prodaju na tržištu Japana. Pored tržnih centara, bh. vina se prodaju putem slijedeće web stranice <http://item.rakuten.co.jp/chichukai/c/0000000358/>

Više od 12 godina, predstavnik FIPA-e g. Nishihama surađuje sa proizvođačima vina u BiH koje je već posjetio i čija vina promovira potrošačima na tržištu Japana. Nastavit će se sa promotivnim aktivnostima sa ciljem povećanja izvoza vina, bez obzira na činjenicu da nijedna nadležna institucija BiH nikada nije izdvojila bilo kakva finansijska sredstva za ovu namjenu.

FIPA AKTIVNOSTI ≡



PREZENTACIJA FIPA-E NA REGIONALNOM FORUMU ZA TRŽIŠTE,
INVESTICIJE I STATISTIKU



PREZENTACIJA FIPA-E NA REGIONALNOM FORUMU
ZA TRŽIŠTE, INVESTICIJE I STATISTIKU



...I JOŠ FIPA AKTIVNOSTI...



PREZENTACIJA FIPA-E NA REGIONALNOM FORUMU ZA TRŽIŠTE, INVESTICIJE I STATISTIKU



Sekretar FIPA-e doc.dr. Maida Bećirović održala je prezentaciju na temu "Regionalna suradnja i priliv stranih investicija u BiH i zemljama regiona" na svečanom pokretanju međunarodnog projekta pod nazivom "Regionalni forum za tržište, investicije i statistiku" koje je održano 27. aprila 2017 u Sarajevu.

Regionalni forum za tržište, investicije i statistiku – TIS, je regionalna neformalna mreža vladinih institucija, privrednih i nevladinih organizacija s intencijom djelovanja na razvoju i promociji zajedničkog tržišta, regionalnih investicija i statistike. Misija foruma je promovirati značaj regionalne suradnje i zajedničkog nastupanja na tržištu u cilju jačanja pozicije, poslovnog uticaja i generalno povećanja konkurentnosti poslovnih subjekata u regiji.

Organizatori i partneri projekta su: Agencija za statistiku BiH, Savez za podršku ekonomskog i socijalnog razvoja "Horizont 2024", Ministarstvo civilnih poslova BiH, Republički zavod za statistiku Srbije, Vanjskotrgovinska komora BiH, Sarajevska berza-burza (SASE), Europski pokret Srbije, Agencija za unapređenje stranih investicija BiH (FIPA), Republički zavod za statistiku Republike Srpske, Agencija za državnu službu BiH, Centar za podršku demokratije i ekonomskog razvoja i Općina Centar Sarajevo.



FIPA PREZENTIRALA MOGUĆNOSTI ULAGANJA U BIH ZA INVESTITORE IZ MONAKA



Direktor Agencije za unapređenje stranih investicija BiH (FIPA) Gordan Milinić je održao 26. aprila 2017. u Monaku prezentaciju o mogućnostima ulaganja u BiH za investitore iz ove zemlje. Prezentacija je održana u sklopu poslovnog foruma kojeg su organizirali ambasador BiH u Parizu N.J.E. Ivan Orlić i počasni konzul BiH u Monaku N.J.E. Donatelle de Filippo Campioni, te Ekonomske komore Monaka. Forumu su prisustvovali predstavnici 50 najistaknutijih kompanija iz Monaka.

Direktor Milinić je pozvao poslovne ljude iz Monaka da istraže poslovne mogućnosti koje pruža Bosna i Hercegovina, a posebno u energetske, te sportske i hotelijerske projekte – oblasti u kojim Monako ima značajna poslovna iskustva. Također su potencijalni investitori pokazali interes za sektor proizvodnje hrane, bankarstvo i osiguranje. Na forumu je g. Milinić istakao kako je BiH sigurna i profitabilna za strani kapital, sa niskim operativnim troškovima, te da je čvrsto opredijeljena za europski put.

Monako je drugi u svijetu po iznosu BDP po glavi stanovnika, sa stopom nezaposlenosti od svega 2% i najnižom stopom siromaštva u svijetu. Tačnije, Monako je država sa najviše milionera i milijardere po glavi stanovnika u svijetu. Upravo ta činjenica i činjenica da stanovnici Monaka imaju kompanije širom svijeta, je bila polazna osnova za organiziranje foruma.

Pokazan je veliki interes investitora za projekte u BiH, te su održani brojni sastanci na kojima je direktor FIPA-e detaljnije predstavio poslovni ambijent BiH i investicijske projekte. Uskoro se očekuje dolazak investitora u BiH, kako bi se lično upoznali sa potencijalima BiH, vlasnicima projekata i relevantnim institucijama.



NOVOIMENOVANI EKONOMSKI SAVJETNIK AMBASADE KINE POSJETIO FIPA-U



Sekretar FIPA-e doc.dr. Maida Bećirović razgovarala je sa novoimenovanim ekonomskim savjetnikom ambasade Kine Sie Yuom o nastavku suradnje između FIPA-e i ambasade Kine u BiH na polju promocije ulaganja u BiH i povezivanja kineskih investitora i vlasnika investicionih projekata u BiH.

Dosadašnjem savjetniku Lei Jianzhongu se zahvalila na uspješnoj suradnji koja je ostvarena u njegovom mandatu u posljednje tri godine, ističući da je značajan broj kineskih privrednika posjetio FIPA-u u 2016, te da su kineski investitori zainteresirani za energetske projekte u BiH.



FIPA PREZENTACIJA NA POSLOVNIM SUSRETIMA PRIVREDNIKA BIH I MAKEDONIJE



U okviru zvanične posjete predsjedavajućeg Predsjedništva Bosne i Hercegovine dr. Mladena Ivanića Republici Makedoniji 19. i 20. aprila 2017. godine, na inicijativu Ambasade BiH u Skoplju organiziran je i poslovni forum Republika Makedonija – Bosna i Hercegovina 20. aprila 2017. Tom prilikom je Nina Pobrić, šef Odsjeka za promociju investicija u FIPA-i, održala prezentaciju za makedonske privrednike o mogućnosti ulaganja u BiH. Privrednici su upoznati sa zakonskom legislativom, niskim operativnim troškovima, ugovorima o slobodnoj i preferencijalnoj trgovini, te najnižom stopom poreza na dobit kompanija u BiH u odnosu na region i EU.

19. aprila, gđa. Pobrić je također održala prezentaciju za predstavnike turskih kompanija iz Izmira, članica klastera IT kompanija i klastera kompanija iz zdravstvenog sektora. Tom prilikom je prezentirala projekte iz navedenih sektora, te razloge za ulaganje u sektor zdravstva i IT sektor u BiH. Istog dana, održala je i prezentaciju o mogućnostima suradnje bh. i turskih kompanija u sklopu sastanka Upravnog odbora Makedonsko- turske privredne komore MATTO.

Upriličeni su i sastanci sa turskim i makedonskim kompanijama na kojima se detaljnije razgovaralo o projektima u BiH, uz najavu skorog dolaska poslovne delegacije MATTO-a u Bosnu i Hercegovinu. U sklopu foruma Republika Makedonija - BiH, u organizaciji Vanjskotrgovinske komore BiH organizirani su i B2B sastanci privrednika dvije zemlje.



FIPA NA OECD KONFERENCIJI O TEMI „PODSTICANJE INVESTICIJA ZA KONKURENTNOST U JUGOISTIČNOJ EUROPI“



Organizacija za ekonomsku suradnju i razvoj OECD je 19. i 20. aprila u Parizu organizirala međunarodnu konferenciju „Podsticanje investicija za konkurentnost u jugoistočnoj Europi.“

Direktor FIPA-e Gordan Milinić učestvovao je na tri sesije, i to:

- Reforms to Attract Foreign Direct Investment and Improve Competitiveness in SEE,
- Special Economic Zones as an Investment Policy Tool in the Western Balkans,
- Better Corporate Governance for Better Investment in South East Europe.

Direktor Milinić je tom prilikom upoznao prisutne predstavnike više od 80 zemalja o unapređenju poslovnog ambijenta u BiH, konkurentskim i komparativnim prednostima, instrumentima promocije direktnih stranih investicija, industrijskim i slobodnim zonama u BiH, te aktualnom situacijom u segmentu korporativnog upravljanja.



NOVOIMENOVANI TRGOVINSKI SAVJETNIK AMBASADE AUSTRIJE U BiH POSJETIO FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je sa novoimenovanim trgovinskim savjetnikom ambasade Austrije u BiH Philippeom Kupferom o mogućnostima suradnje na unapređenju stranih ulaganja u BiH, te zajedničkom organiziranju manifestacija sa ciljem predstavljanja potencijala Bosne i Hercegovine investitorima iz Austrije. Direktor Milinić je informirao je o aktivnostima FIPA-e na polju privlačenja stranih investicija, suradnji sa investitorima, promotivnim aktivnostima, koje trenutno Agencija provodi, kao i planiranim u narednih nekoliko mjeseci. Istakao je da je Austrija najveći strani investitor u BiH te da očekuje nove investicije iz ove zemlje.

G. Kupfer se interesirao za podršku koju FIPA pruža stranim investitorima u BiH na putu realizacije strane investicije, uključujući i postinvesticionu podršku.

Razgovarano je i o napretku koje je BiH ostvarila u unapređenju poslovnog ambijenta na osnovu izvještaja Doing Business 2017 po kojem se trenutno nalazi na 81. poziciji po lakoći poslovanja.

Savjetnik je informiran i o medijskoj kampanji „Invest in BiH“ koju je FIPA pokrenula, te pozvan da se istraže mogućnosti objave promotivnih tekstova o BiH u austrijskim časopisima.

Dogovoreno je da se austrijski investitori koji se suočavaju sa birokratskim preprekama obrate FIPA-i radi pružanja podrške, te da se nastavi suradnja sa Trgovinskim odjelom na polju privlačenja investicija. Trgovinski odjel ambasade Austrije će o svim raspoloživim projektima za investiranje u BiH informirati privredne komore i ostala privredna udruženja u Austriji, te će im dostaviti promotivne materijale FIPA-e.



FIPA OČEKUJE DA AMBASADOR BiH U GRČKOJ ANIMIRA I GRČKE INVESTITORA KOJI POSLUJU U JUGOISTOČNOJ EUROPI



Novoimenovani ambasador BiH u Grčkoj NJE Branko Čokić razgovarao je sa direktorom Agencije za unapređenje stranih investicija BiH (FIPA) Gordanom Milinićem o aktivnostima koje ga očekuju na polju predstavljanja BiH u novoj misiji, te se upoznao sa instrukcijama FIPA oko aktivnosti na polju privlačenja investitora iz zemlje u kojoj će obavljati misiju.

Na sastanku je istaknuto da u BiH ima vrlo malo grčkih investitora i da njihove investicije iznose samo oko 2 miliona eura, da je potrebno animirati grčke investitore i privrednike na uspostavljanje veće suradnje sa Bosnom i Hercegovinom, pogotovo investitore koji već investiraju u Srbiji, Makedoniji i Bugarskoj. Također, je istaknut značaj informiranja grčke poslovne zajednice u Grčkoj, a posebno u jugoistočnoj Europi o mogućnostima za ulaganje u BiH.

Razmijenjene su ideje o mogućnostima unapređenja rada na promociji zemlje, te su date upute ambasadoru na koje aktivnosti je potrebno fokusirati se radi privlačenja investitora.



FIPA BIH NA MOSTARSKOM SAJMU PRIVREDE 2017



FIPA učestvuje na 20. Međunarodnom sajmu privrede u Mostaru, koji se održava u periodu 04 – 08. aprila 2017. godine. U okviru Sajma vina i poljoprivrednih proizvoda zemalja „16+1“ (Kina i zemlje Centralne i Istočne Europe) koji se organizira u sklopu Međunarodnog sajma privrede, FIPA će imati i svoj štand gdje će zainteresirani moći dobiti detaljne informacije o mogućnostima ulaganja u BiH, kao i informacije o konkretnim investicijskim projektima za koje se traži strani partner.

Na ovaj način FIPA nastoji doprinijeti promociji Bosne i Hercegovine.

Pokrovitelj Sajma vina i poljoprivrednih proizvoda „16+1“ je Ministarstvo vanjske trgovine i ekonomskih odnosa Bosne i Hercegovine.



FIPA UGOSTILA DVADESETAK PRIVREDNIKA IZ INDIJE



Predstavnici FIPA-e na čelu sa zamjenicom direktora Blaženkom Mišković primili su delegaciju dvadesetak privrednika iz Mumbaija, Indija, u pratnji ambasadora Bosne i Hercegovine u Indiji N.J.E. Sabita Subašića sa ciljem upoznavanja sa mogućnostima investiranja u Bosni i Hercegovini. Indijsku delegaciju predvodio je počasni konzul BiH u Mumbaiju Suhas Mantri, te predsjednik Indijsko-Bosanskohercegovačkog biznis foruma Sudhir Navalakha.

Delegaciju privrednika iz Indije predstavljali su privrednici koji posluju u oblasti proizvodnje auto-dijelova, proizvodnje ambalaže, zdravstvenog turizma, informacionih tehnologija, rudarstva, proizvodnje hrane, drvnog sektora, i drugi. Predstavnici FIPA-e su privrednike upoznali o aktivnostima Agencije na polju promocije BiH i privlačenja stranih investicija, kao i o statusu i pravima stranih investitora u BiH, te mogućnostima uspostavljanje suradnje u različitim privrednim sektorima. Također, su ih informirali o trenutno raspoloživim investicionim projektima i lokacijama za investiranje kojih u BiH ima 400, te istakli Mittal Steel Zenica kao jednu od uspješnijih investicija u našoj zemlji.

Privrednici su se interesirali o poreznoj politici u BiH, mogućnostima uspostavljanja suradnje po modelu privatno-javnog partnerstva, ugovorima o slobodnoj trgovini, kao i potisanim ugovorima između BiH i Indije.

Ambasador Subašić je istakao da je određeni broj indijskih investitora zainteresiran za eventualno otvaranje Fakulteta informacionih tehnologija u BiH, što bi doprinijelo školovanju većeg broja kadrova iz ove oblasti, s obzirom na potražnju bh. tržišta. Dogovoren je nastavak komunikacije u smislu pružanja informacija vezano za mogućnosti poslovanja. Privrednicima su uručeni promotivni materijali.



FIPA UČESTVUJE PO PRVI PUT NA ANNUAL INVESTMENT MEETING U DUBAIJU



Po prvi put Agencija za unapređenje stranih investicija BiH (FIPA) koju predstavlja dr.sc. Maida Bećirović učestvuje na Annual Investment Meeting koji se održava od 2. do 4. aprila u Dubaiju pod pokroviteljstvom Njegovog visočanstva šeiha Mohammeda Bin Rashida Al Maktouma, premijera UAE i upravnika Dubaija.

Annual Investment Meeting je vodeća globalna platforma za razgovore o privlačenju stranih investicija u razvijenim zemljama, te platforma za omogućavanje strateškog umrežavanja privrednika i promociju investicija koja pruža učesnicima mogućnost da se upoznaju sa bogatim svjetskim iskustvima u privlačenju stranih investicija.

Ovogodišnja konferencija se održava pod nazivom „Međunarodne investicije – Put ka konkurentnosti i razvoju“ na kojoj će se raspravljati o tome kako privući prave investitore koji doprinose konkurentnosti nacionalnih privreda, sa fokusom na ulogu stranih kompanija u jačanju konkurentnosti zemlje.

Konferencija okuplja međunarodnu investicijsku zajednicu, kompanije lidere, donosiocje odluka, eksperte i privrednike iz cijelog svijeta koji će govoriti o stranim ulaganjima i pruža veliku mogućnost za upoznavanje privrednika, investitora i predstavnike zemalja koje žele uspostaviti održivu suradnju sa investitorima.

Tokom trodnevne konferencije, predstavnik FIPA-e će imati susrete i sastanke sa međunarodnim investitorima kojima će prezentirati BiH, upoznati ih sa mogućnostima za ulaganje u različite sektore privrede. Promotivne materijale i brošure će također biti uručene investitorima, dok će pet investicionih projekata iz BiH biti prezentirani na web portalu ove konferencije u narednih 12 mjeseci, što je od velikog značaja za promociju zemlje.

POSLOVNE VIJESTI ≡



BIZNIS FORUM FIPA-E I SVJETSKOG SAVEZA
DIJASPORE BIH



PRVA MENADŽMENT KONFERENCIJA HOTELIJERA I
UGOSTITELJA U BIH - HOTEL 21 ODRŽANA U SARAJEVU



...I JOŠ FIPA POSLOVNIH VIJESTI...



BIZNIS FORUM FIPA-E I SVJETSKOG SAVEZA DIJASPORE BiH

Agencija za unapređenje stranih investicija BiH (FIPA) i Svjetski savez dijaspore Bosne i Hercegovine organizirali su 21.4.2017. godine u Sarajevu Biznis forum sa ciljem promocije Bosne i Hercegovine kao investicione destinacije, prezentiranja mogućnosti za ulaganja i privlačenja stranih investicija. FIPA uspješno surađuje sa Savezom dijaspore dugi niz godina i ističe značaj bh. dijaspore, s obzirom na njihov značajan broj u inostranstvu, na njihovo stečeno znanje i vještine, poslovne kontakte koje su ostvarili u inostranstvu kroz njihovo djelovanje i rad, kontakte sa institucijama zemalja u kojima djeluje, te kapital i poslovne rezultate po kojima je veliki broj postao prepoznatljiv u inostranoj poslovnoj zajednici.

Rado ističe i uspješne poslovne priče koje je dijaspora realizirala u Bosni i Hercegovini. Učesnici konferencije su govorili o prilivu stranih ulaganja u BiH, visokom procentu nezaposlenih, kao i reformama koje je neophodno provesti na putu ekonomskog rasta i oporavka Bosne i Hercegovine. Istaknuto je da je 2017 godina reformi i rasterećenja privrede radi jačanja konkurentnosti BiH. Kada je riječ o mogućnostima privrede BiH, na forumu je istaknuto da je Bosna i Hercegovina regionalni lider u proizvodnji namještaja, da je vojna industrija u usponu i da svoje proizvode izvozi u 46 zemalja svijeta, da se metalni sektor BiH sa 40.000 uposlenih također pozicionirao kao regionalni lider, te da sve više i više proizvoda poput jestivog ulja, brašna i mesa izvozimo u Tursku, da u Kinu izvozimo sir i vino, kao i Japan, da se u BiH proizvode mašine teške i do 25.000 tona, a da o tome javnost sasvim malo zna. Predstavnik FIPA je ovom prilikom održao prezentaciju o mogućnostima ulaganja u sektorima energetike, poljoprivrede, turizma sa fokusom na zdravstveni turizam, metalnog i tekstilnog sektora, ističući po nekoliko trenutno raspoloživih malih i srednjih investicionih projekata iz svakog od navedenih sektora.

Forum je okupio 100 učesnika i privrednika iz bh. dijaspore, predstavnika vlasti u BiH, te privrednika koji posluju u BiH. Na forumu su govorili Hasan Šehović, predsjednik SSDBiH, doc.dr. Maida Bećirović, sekretar FIPA-e, prof.dr. Mehmedalija Hadžović, ministar trgovine FBiH, Zlatan Vujanović, predsjednik VTK Ahmet Egrić, te predstavnici USAID-a, Nove Banke, nevladinih organizacija i domaćih i stranih privrednika poput Cromex, Sućo, Semić, Koola, koji su govorili o svom iskustvu u poslovanju u BiH, prednostima u poslovanju, kao i nedostacima i preprekama sa kojima se suočavaju. FIPA ističe činjenicu da bh. dijaspora ima značajan broj istaknutih privrednika koji bi mogli dati svoj doprinos razvoju BiH, te stoga zaslužuju da im se posveti posebna pažnja. Kao nastavak suradnje na polju promocije Bosne i Hercegovine, SSDBiH i FIPA će u septembru mjesecu ove godine organizirati poslovnu konferenciju sa Svjetskom turističkom organizacijom.



PRVA MENADŽMENT KONFERENCIJA HOTELIJERA I UGOSTITELJA U BIH - HOTEL 21 ODRŽANA U SARAJEVU

U hotelu Malak Regency u Sarajevu, 20. aprila održana je Prva menadžment konferencija hotelijera i ugostitelja u BiH - Hotel 21 pod nazivom "Bosna i Hercegovina u globalnoj konkurenciji destinacija" u organizaciji Turističke zajednice Kantona Sarajevo i Privredne komore FBiH.

Na konferenciji se govorilo o trendovima u hotelijerstvu i turističkoj ponudi u BiH, nedostacima i prednostima turističkog sektora BiH, koracima za nastavak razvoja turizma, menadžmentu u hotelima, itd.

Na poslovnoj konferenciji je bilo više od 35 panelista, predstavnika institucija, privrednika, investitora, akademske zajednice i domaćih i međunarodnih eksperata.

Kao panelista na konferenciji, sekretar FIPA-e doc.dr. Maida Bećirović istakla je da investitori u sektoru hotelijerstva i turizma nemaju namjeru samo graditi hotele nego traže i vanpansionsku ponudu u BiH; da investitori razmišljaju da ovdje dovedu tzv. ekipni turizam, ali da zato moramo stvoriti preduvjete.

BiH ima prirodne resurse, ali joj nedostaje infrastruktura.

BiH nudi prilike za avanturistički turizam, ali i u ovoj oblasti također nedostaje infrastruktura.



SAJMOVI U TURSKOJ U MAJU 2017 KOJI UKLJUČUJU BUYER MISSION PROGRAM

U okviru spomenutih sajmova u "navedenim datumima" će se održati Buyer Mission Programi. Tokom programa održat će se briefing za privrednike, bilateralni razgovori sa turskim privrednicima i posjeta proizvodnim postrojenjima. Učesnicima (po jedan predstavnik iz kompanije) gore spomenutog Programa biće plaćeni troškovi smještaja sa doručkom. Učesnici programa su obavezni poznavati jedan od tri strana jezika engleski, njemački ili francuski. Također, učesnici programa trebaju posjedovati ovlasti za odlučivanje u kupovini.

Zainteresirane kompanije mogu aplikacione formulare dostaviti Uredu Ambasade Turske u BiH najkasnije do datuma koji su navedeni u koloni tabele „krajnji rok za aplikacije“ na broj faksa: 033/208-562, ili putem maila saraybosna@ekonomi.gov.tr, nakon čega će biti kontaktirane samo one kompanije koje budu izabrane za učešće u navedenom programu.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA